



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Educ
257
3. 30

[Gretser] - Mecoenas Studiosorum
Pauperum 1620



Edue 257.3, 30

**HARVARD COLLEGE
LIBRARY**




**FROM THE LIBRARY OF
RODOLPHE REUSS
OF STRASSBURG**



**BOUGHT WITH THE
BEQUEST OF
HERBERT DARLING FOSTER**

A.M. 1892





MECOENAS
STVDIOSORVM PAUPERVM,

siue

CAVSÆ, CVR
ADOLESCENTES

PIORVM LIBERALITATE
ADIVVANDI SINT, QVOS PROPRIA
EGESTAS A LITTERARVM
STVDIIIS ARCET.

*Auctore quodam è Societate IESV
Theologo.*



Jacob

Göttingen

Permissu Superiorum.

AVGVSTAE VINDELICORVM,
apud. Saram Mangiam Viduam.

M. DCXX.

PIO LECTO-

R I S.

Jacob Guethar



Puribus abhinc annis, quidam è Societate Ie-
su Theologus, multorum rogatu, hunc, quem
epigraphæ præ se fert, Meccenatem cōscripsit;
eo quidem fructu, quem non solum in pluri-
bus Academijs ac Gymnasijs eiusdem Societatis, bene
magnus Studiosorum pauperum numerus gratissimis ani-
mis liberaliter nunc percipit, atq; vt sperandum, in dies
magis percepturus est, sed etiam, qui in magnam Chri-
stianæ Reip. vtilitatem vberrimè redundat. Per multos
enim tali piorum subsidio ac liberalitate in studijs adiu-
tos, varijs in locis numerare licet, qui in eos euasere viros,
vt magnâ pietatis & doctrinæ laude, insignem nunc Deo,
& ipsius Ecclesiæ in animarum salute procuranda præ-
stent operam, haud absq; suorum Meccenatum perpe-
tuâ apud bonos omnes commendatione, laudatissimaq;
memoriâ, &, quod caput est, eorundem, apud DEVM
bonorum omnium remuneratorem, maximo merito.
Verùm quia huius opusculi exemplaria, cum alijs, qui
sæpe vehementer ea expetebant, laboriosius huc vsque
calamo communicari poterant, imò ob amanuenses
minùs doctos, varijs mendis obnoxia magis reddebantur,
non defuerunt, qui illa (vt pote communi luce non
indigna) typis euulganda censuerunt, cum vt illorum le-
ctio gratior, vsusq; latior, tum etiam vt his ipsis Studiosis
pauperibus, apud piorum mentes inde permouendas, v-
tilior foret. Augustæ Vindel. 12. Martij, ipso S. Gregorij
pauperum Patroni festo die, Anno 1620.

H

INDEX

HARVARD COLLEGE LIBRARY
FROM THE LIBRARY OF
RODOLPHE REUC3
THE BEQUEST OF
HERBERT DARLING FOSTER
NOVEMBER 9, 1928



INDEX CAPITVM.

- I. *Contribuere aliquod ad fundationes pro egenis adolescentibus instituendas, maxime pium & salutare esse, probatur primum ex communi ratione elemosyna.* 2
- II. *Elemosynam, qua egeni adolescentes sustentantur, esse, per se loquendo, Deo gratiorem, & utiliorem, quam sit elemosyna alijs egenis collata.* 3
- III. *Deo gratius & Reipublica utilius esse, si quid elemosyna contribuatur ad fundationem in communi pro multis quam si elemosyna sine perpetuitate conferatur.* 13
- IV. *Per elemosynam ad fundationem pro egenis adolescentibus collatam, satisfieri posse præcepto naturali & diuino, de elemosyna danda, itemque de satisfactione suscipienda.* 16
- V. *Contributiones ad seminaria studiosorum adolescentum multum à legibus civilibus commendari.* 20
- VI. *Eos, qui ad hæc seminaria aliquid contribuant, rem Tridentino concilio consentaneam facere.* 22



MECOENAS TV DIOSORVM PAVPERVM,

Siuo

Causæ, cur Adolescentes piorum liberali-
tate adiuuandi sint, quos propria egestas
à litterarum studijs ar-
cet.



*VOBVS modis opem ferre licet adolescentibus,
quos egestas remittatur, quò minus liberalibus disci-
plinis vacent: Primo, si quis illis suppeditet, eleemo-
synam, eo pacto, quo alij pauperes, piorum liberali-
tate adiuuantur & recreantur: siue illa eleemosyna sit hebdoma-
daria, siue mensura, siue annua, siue semel duntaxat submi-
nistrata siue saepius repetita: Secundo, si eleemosynam illam con-
ferat quis ad aliquam fundationem pro huiusmodi adolescenti-
bus instituendam: & de hoc potissimum adiuuandi modo in hoc
opusculo agemus, eumque ex varijs capitibus longè fructuo-
sissimum, & priori etiam prapponendum esse, breuiter demon-
strabimus.*

CAPVT PRIMVM.

*Contribuere aliquid ad fundationes pro egenis adolescenti-
bus instituendas, maxime pium & salutare esse,
probatum primum ex communi ratione
eleemosyna.*

Pincipio igitur, vt subsidium hoc eleemosyna est,
ita & eleemosynæ laudem, præstantiam, merita &
utilita-

utilitates complectitur. Quæ licet variz sint, rectè tam-
 en triplices à Theologis statuuntur. Nam primò, ele-
 mosynæ actus virtutis est, & quidem præstantissimæ, ni-
 mirum misericordiæ. Secundò, vim habet merendi, si
 ex gratia & charitate fiat. Tertio, vim habet satisfaciendi
 pro peccatis. Quæ tria elemosynæ comòda quem-
 vis Christianum merito inducere debent, vt studium e-
 lemosynæ largiendæ amet; nam cum elemosynam
 dat, misericordiæ & beneficentiæ actus exercet. *Miseri-*
cordia verò & beneficentia, inquit præclarè sanctus Grego- *Nyss orat.*
 rius Nyssenus, *virtutes sunt Deo gratissimæ, quæ si cuius ani-* *de paup*
mi incoluerint, cum diuinum efficiunt, & summo illi bono *amandis.*
quàm simillimum reddunt, adeo ut prima illius atque immorta-
lis & rationem omnem superantis naturæ decoretur imagine.

Et Sanctus Gregorius Nazianzenus: Nulla omnino res
 est, quæ Dei beneuolentiam perinde conciliet ac misericordiæ, *Nazianz.*
 quandoquidem nec quidquam est, quod Deo congruentius offer- *orat de*
 ri possit: utpote quæ misericordiæ, & veritas antecedant, eiq; *paup. amo-*
 misericordiæ antea iudicium offerenda sit, nec ulli alij rei potius *re.*
 quàm humanitati & commiserationi commiseratio & huma-
 nitas ab eo rependi solet, qui summa æquitate quemq; remunera-
 tur, atq; in lance & mensura misericordiam constituit. Hæc
 diuinus ille Pater: qui & per misericordiam hominem
 Deum effici ait, cum ad misericordiam his hortatur verbis:
Fac calamitoso sis Deus. Dei misericordiam imitanda. Nihil
 enim tam diuinum homo habet, quàm de alijs bene mereri; tam-
 etsi hic maiora, ille minora beneficia conferat; uterq; nimirum
 pro suis utriusq;.

Præterea misericordiæ encomia & emolumenta,
 quæ cum ex sacris litteris, tum ex sanctorum Patrum mo-
 numentis adferre liceret, sufficerit illud Dei per Pro-
 phetam oraculum, à Redemptore nostro repetitum:

Misericor-

ose 6.

Matth. 9.

Misericordiam volo & non sacrificium: Vbi Dominus actum virtutis misericordiae, praefert actui religionis, & quidem excellentissimo actui, videlicet sacrificio: quod, ut observatione dignissimum obseruauit Christus Dominus; cum Phariseos, ut hoc Dei dictum intimis pectoribus insculperent, monuit; Euntes, inquit, discite, quid sis; misericordiam volo & non sacrificium: Quod illis dixit, omnibus dixit, Euntes discite. Qui enim hoc discet, is intelliget tantopere misericordiam à Deo amari, ut secundum opera misericordiae ultimam illam in extremo iudicio sententiam sit pronunciaturus: Esurini, sitiui, hospes eram, nudus & infirmus, & in carcere: quod uni eorum fecistis, mihi fecistis, idcirco, inquit, venite benedicti patri mei.

Nyss. orat.
de paup.
amand.

Habet praeterea eleemosyna vim merendi, (si ex gratia procedat) omnia illa, quae sub meritum cadunt; ut vitam aeternam, augmentumque gratiae acceptae, imò & bona temporalia, quantum quidem ad beatitudinem consequendam necessaria sunt. Maxime autem meretur misericordiae actus diuinam misericordiam. nam *Beati misericordes, quoniam misericordiam consequentur.* ut enim ex igne calor sequitur, tanquam proprius ac natiuus effectus, ita ex eleemosyna pauperibus misericorditer erogata, sequitur tanquam inseparabilis effectus, Dei erga nos misericordia, ita ut Deus misericordiis misericordiam tanquam meriti mercedem rependat.

Nyss. orat.
de beat.
tud.

Nam ut pulchrè ait D. Gregorius Nyssenus: *Quemadmodum artis exacta proba, vera, certaque specula sales vultuum ostendunt effigies, qualescumque ipsi vultus sunt, hilares quidam alacrum; demissos autem, obscuros, & inuincendos merentium ac tetricorum: nec speculi naturam aliquis culpare possit, si tetra & inamæna representata fuerit effigies; ita iustum quoque Dei iudicium nostris affectibus assimilatur, qualiacumque à nobis*

nobis commissæ fuerint tales nobis de suo præbens retributiones, venite, inquit, benedicti: & iſe maledicti; Et quæ neceſſitas externa in his eſt, quæ ad dexteram collocatis iucundam, ad ſiniſtram verò ſtantiſus acerbam vocem attribuat? an non hi quidem propter ea, quæ fecerunt, miſericordiam conſecuti ſunt: illi verò quòd aduerſus proximos inimites & inhumani fuerunt, ſanum & inimite ſibi ipſis diuinum numen reddiderunt?

Cùm ergo actus eleemoſynæ, quem homò iuſtus exercet, ſit meritorius, ſatis hinc etiam eius dignitas eluceſcit; cùm Deus ad compenſationem meriti ex iuſtitia obligatus ſit, ita vt debitam mercedem ei negare nec velit nec poſſit; quippe in promiſſis & obligationibus fideliffimus, & vt à natura ſua deſciſcere, ita & fidem datam fallere neſcius.

Tertiò dicebamus eleemoſynam habere vim ſatisfaciendi pro peccatis, imò & peccata remittendi: quæ eleemoſynæ viſ cùm à ſcriptura, tum à Patribus frequenter celebratur, hominumq; oculis ſubiicitur. Omittamus in præſenti Patres, ſcripturam audiamus. *Eleemoſyna eſt, quæ purgat peccata. Tob. 12. Ignem ardentem extinguit aqua, & eleemoſyna reſiſtit peccatis. Eccleſ. 3. Daniel propheta Regi Nabuchodonofori hoc conſilium dedit: Peccata tua eleemoſynis redime, & iniquitates tuas miſericordijs pauperum, Dani. 4. Et Chriſtus Dominus Lucæ 11. Date eleemoſynam, & ecce omnia manda ſunt vobis: Eleemoſyna ab omni peccato & morte liberat, & non parietur animam ire in tenebras. Tob. 4. Eleemoſyna viri, gratiam hominis, quaſi pupillam, conſervabit. Eccleſiaſt. 29. Quæ ſententiæ, licet non promittant remiſſionem peccatorum mortaliũ, quoad culpam, ſine contritione aut confeſſione: promittunt tamen remiſſionem aliquam actibus eleemoſynæ. Primb: quia actus miſericordiæ peculiariter valent*

*Vide Greg.
de Valen-
tia Tom. 2.
4 Disput.
7. de panis.
24 p. 1.*

*Barnes 21.
9 32 a. 4.
qui ait hanc
esse com-
mune
Theologo-
rum sen-
tentiam.*

*Vide Va-
lent. Tom.
2 Disput.
8. de Gra-
tia Q. 6. p.
4 ss. 4.*

valent ad expiandas pœnas peccatis, quodam culpas, re-
missis adhuc debitas. *Secundo*, quia eleemosyna tan-
quam Sacramentale quoddam, peccata venialia, quoad
culpā & pœnam, ex opere operato abolet, vt grauissimis
Theologis placet. *Tertio*, quia licet quis ex Condigno
mereri nequeat iustificationem primam, peccatorumque
abolitionem, tamen adeo efficax est eleemosyna, vt qui
ex pietate & propter Deum frequentes eleemosynas
largiuntur, plerumque à Deo conuertantur, & remissionem
peccatorum suorum obtineant, etiam si eas eleemosy-
nas in mortali peccato fecerint; præsertim si *peccent ex
fragilitate, & non ex contemptu aut malitia.* De omni-
nim misericordia pronunciauit illud Salomon. *Prou. 14.
Qui pauperis miserebitur, beatus erit.* Et Dominus. *Matt. 5.
Beati misericordes, quoniam misericordiam consequentur.* Vbi
nullus excipitur, sed generatim de omnibus, qui miseri-
cordiam amant & exercent, asseritur, eos misericordiam
consecuturos, quantum scilicet est ex parte subsidij &
auxilij diuini, quod propter eleemosynas, tam copiose
subministrari solet, vt tandem ordinariè conuertantur,
nisi nimis pertinaciter eiusmodi auxilijs & incrementis
diuinis resistent. Et si, quod quidam graues Doctores
tradunt, (nominatim, sanctus Bonauentura 2. d. 28.) iustus
de Congruo mereri potest, vt si in peccatum incidat, mi-
sericorditer à Domino exigatur, & in statum gratiæ reci-
piatur, id certe maximè per eleemosynas tantoperè à
sacris litteris commendatas fieri censendum est, vt & il-
lud, quod itidem magnis Doctoribus placet, personam
vique ad finem cadere sub meritis de Congruo:
Eleemosynis enim & misericordijs, pauperum præcipud
videtur tantum donum obtineri.

Cùm igitur beneficentia hæc, quæ Scholastici inopes
adiuuan-

adiuvantur, eleemosyna sit, planè sequitur, in ea etiam eleemosynæ præstantiam reperiri, ut scilicet sit actus misericordiae, meritum & satisfactio, seu emundatio & expurgatio à peccatis, eo, quo diximus modo: ut proinde verissimum sit, quod Divus Gregorius Nyssenus ait his verbis: *Multiplex & copiosus gignitur fructus ex eleemosyna:*

Nyss. orat. de paup. amand.

Cuius admonitioni quis pius non obtemperet, cum ita quemlibet cohortatur: *Sere beneficium, ut metere possis fructum, & bonis manipulis domum replere. At enim te quoque pauperem dices: Esto: attamen dato, Da quod habes: neque enim supra vires tuas quidquam abs te requirit Deus. Ei, cuius beneficio plura habes (clamat alius Gregorius:) aliquid dato. Nam hoc ipsum quoque accipere est, Deo aliquid donare. Quantumvis erogaris, plura tamen tibi reliqua erunt, nec quidquam quod ad te propriè pertineat, daturus es: quandoquidem omnia à Deo manant, Deo gratitudinis ergò aliquid tribue, quòd ex eorum es numero, qui de alijs bene mereri possunt, non qui aliarum beneficentia opus habent, quòd non ex alienis manibus pendes, sed ex tuis alijs.*

Nazian. orat. de pauperibus amand.

Cum ergo contribuere aliquid ad Seminaria pauperum instituenda, vera sit eleemosyna, vimque eleemosynæ habeat, sequitur hanc ipsam eleemosynam orationi & ieiunio anteponendam esse. Est enim vera Sancti Thomæ & aliorum Theologorum sententia, qui tradunt, eleemosynam longè esse efficaciorē, quam aut orationem, aut ieiunium. Primò, quia eleemosyna virtute continet orationem, quatenus alterum ad orandum, & alia bona opera exercenda obligat. Secundò, quatenus est oblatio quædam Deo, vel proximo propter Deum facta: oblatio autem Deo facta, habet vim orationis. Eadem eleemosyna virtute continet ieiunium. Nam qui eleemosynam largitur, subtrahit sibi bona externa, quibus ipse

S. Thom. 4 d. 15. q. 2. a. 2. Rich ibid. a. 2. q. 3.

B. frui

frui potuisset. Nec dubium esse debet, quin eleemosyna etiam præstet peregrinationibus, quæ vex religione erga Deum, vex observantia erga Cælitæ suscipiuntur: cum virtutis misericordiæ ea sit excellentia, ut non modo cum virtute religionis, sed etiam cum ipsa charitate comparari queat, & in nonnullis etiam palmam ferat. Neque tantæ promissiones peregrinationibus in sacris litteris factæ sunt, quantæ eleemosynæ & beneficentiæ.

CAPVT SECVNDVM.

Eleemosynam, quæ egeni iuuenes sustentantur, esse, per se loquendo, Deo gratiorem, & utiliorem; quàm sis eleemosyna alijs egenis collata.

ET si omnis eleemosyna cuicumque inopi liberaliter collata, Deo placeat, & fructus vberes pariat; hanc tamen, de qua agere instituimus, Deo gratissimam & variarum utilitatum feracissimam esse, non pauca occurrunt, quæ planum testatumq; faciant. Primum enim negari non potest, magni referre, ut Ecclesiæ viris doctis & pijs abundet, & ab his Reipublicæ & Ecclesiæ salutem non parum pendere constet: non enim vanum est illud Sapientis oraculum: *Multitudo sapientum, sanitas est orbis terrarum.* Igitur quàm chara & grata est Deo Ecclesiæ Catholicæ integritas & sinceritas, tam charam & gratam oportet esse eidem illorum beneficentiam, qui, ope sua; Reipublicæ Christianæ tales viros educant; efficiuntq; ut adolescentes, studia, quæ vel nunquam inchoare potuissent, vel certè inchoata deferere ob pecuniam, coacti fuissent, prosequi, & ad finem optatam perducere queant. Quàm multos enim videre licet doctrina & pietate præstantes, qui eruditione sua & probitate, Christiano orbi

orbi maximas utilitates & attulerunt, & etiamnum affe-
 runt; quorum beneficijs Respublica careret, si aliorum
 munificentia adiuti non fuissent, ut eò doctrinæ & virtu-
 tis procederent. Quæcunq; ergo tales postmodum me-
 rita, siue in politicam, siue in Ecclesiasticam Rempubli-
 cam conferunt, eorum fructus ad eos redundat, qui ta-
 lem opibus suis sustentauerunt, & ut in virum talem eua-
 deret, stipe benignè collata, effecerunt. Nec vereor di-
 cere, talem, eleemosynâ suâ omnium causam esse, & pro
 causa etiam apud Deum reputari, eidemq; ut primo au-
 ctori omnium huiusmodi rectè factorum, mercedem in
 cælo copiosam repositam afferuari. Hic enim vel maxi-
 mè tritum illud apud Philosophos dictum valet: *Quid-
 quid est causa causæ, est etiam causa causati.* Si enim quis alte-
 ri ad scelera opem ferens, eorundem criminum, & pœnæ
 criminibus illis debitæ sese participem reddit; cur, si cui
 ad rectè facta, & ad multa in Rempublicam merita con-
 ferenda manum porrigat, eorundem meritum & præ-
 mii meritis illis decreti communione priuetur? Quo
 certè solatio caret ille, quisquis alios egenos iuuat. Nam
 beneficium illud priuati vnus aut alterius emolumentis
 circumscribitur, nec ad alios diffunditur, aut si diffunditur,
 tam longè lateq; non diffunditur, atq; tuum illud, cuius tu
 per eleemosynam egeno quondam iuueni, nunc docto
 viro, collatam, auctor es. Doctis enim plerumque publica
 munia committi solent, ut institutio iuuentutis, & id genus
 alia, ex quarum functionum recta administratione quan-
 tæ ad humanam societatem utilitates redeant, nemo est
 qui ignoret, nisi qui vitæ & decus doctrinæ & pietatis ef-
 ficacitatem ignorat.

Ut igitur rem in pauca conferam, cum egeni ado-
 lescentes de quibus loquimur, sint litterarum & pietatis

candidati, & à magistris suis in utroq; studio, pari contentu informantur; Deo rem gratissimam, & Reipublicæ fructuosissimam feceris, si hos ea, qua potes, ope adiuueris, non sine tuo lucro. Verè enim Tertullianus; *lucrum est pietatis nomine facere sumptum*; si nomine cuiusuis pietatis, quanto magis lucrum erit, facere sumptum nomine pietatis eruditæ?

Secundo, ideo hæc eleemosyna Deo acceptior, & Reipublicæ utilior est, quia tales iuvenes plerumq; sacerdotium suscipiunt, & eo etiam potissimum sine aluntur, litterisq; & pietate excoluntur; ut quandoq; in album Ecclesiasticum relati, Deo & Ecclesiæ ministrent. *As* quem fugit, quanti inter sit, ut sacerdotes bene instructi populo Christiano præsent? Quem fugit, quàm gratum Deo sit, si res diuina manu & mente intacta tracteret, ovesq; Christi salutari doctrinæ pabulo pascantur? Quas duo vel nemo, vel certè sacerdos non indoctus, & à pietate non auersus, præstabit, si eius inopiam ære tuo subleues, dum pietati & litteris operam nauat, ut cepta profsequi, & ad sacros Ordines aspirare possit; sicque futurus fructum tot præcationum, quas sacerdos fundit, tot sacrificiorum, quæ Deo immolat, tot animarum, quas ex diaboli faucibus ereptas Deo lucrifacit, tuum facies, & non exiguam partem, tanquam tibi iure optimo donatam, decerpere poteris, quod commodum non est quòd tibi pollicearis, si alijs benignè facias. Quin & hoc non parum solatij gignit, quòd tales iuvenes à teneris paupertati, victusq; tenuitati assueti, facilius postea adducuntur, ut in pagis parochias tenuiores suscipiant, susceptasq; fideliter curent. Nusquam enim vigilantium Pastorum maior est caritas & caritas, quàm in pagis, & tamen nusquam, propè dixerim, maior est necessitas, obicorum,

torum, qui ruri degunt, incertiam, rerumq; diuinatum imperitiam. Quare longe utilissimum est horum etiam saluti procurandæ Pastores formare & educare; ut sicut iam multis in ciuitatibus reperire est pios & doctos sacerdotes, ita & pagis non absimiles præficiantur, qui amplis redditibus proximi salutem & spiritualem animarum prouentum anteponant, paucis viuere docti, & mediocritate sua contenti.

At dicet forte quispiam: Istos sæpe spem fallere, nec expectationi conceptæ respondere, ac proinde elemosynam malè apud eos collocatam esse. Respondeo, propter incertos euentus non posse prudenter quempiam ab opere bono & laudabili desistere, alioqui nec alijs egenis elemosyna danda erit, quia sæpe ea sunt indigni, quippe improbi: sæpe ea ipsa stipe, quam acceperunt, abutuntur, ad lusum aut potum, & tamen, non obstante hoc periculo, elemosynas largimur, non spernari nos mercedem à Domino accepturos ob misericordiam in proximum, quomodocumq; tandem illà beneficentiã, præter voluntatem dantis, ipse abutatur. Idem & hic cogita. Ut igitur agricolæ boues iungunt, terram proscindunt, semina sulcis committunt, licet non nesciant sæpe accidere, ut grando segetes contundat, aut aliud infortunium spem anni intercipiat: ita & is, qui bonorum operum sementem facit, ab terrore non debet futuri casus, cum certissimus sit, ut cunq; res cadat, ex parte eius, qui elemosynam accipit, sibi apud æquissimum illum iudicem beneficentiæ præmium esse repositum. Quo circa huiusmodi formidinem, ut vanam, ex animo exterminemus, & ut Apostolus monet, *semetipsum in benedictione, ut etiam* 1. Cor. 9. *in benedictione metamus: Multiplex spica ex tali semine pululabit,* inquit sanctus Gregorius Nyssenus. *Ampla est Do-* Nyss orat.

mini mandatorum seges, sublimes benedictionis stirpes. Vis intelligere in quantam altitudinem extollatur harum stirpium incrementum? ipsos cali verticos attingunt: quidquid enim in his contuleris, in cali thesauris conditum inuenies.

Secundo, cum multi ex huiusmodi adolescentibus, expectationi satisfaciant, causæ nihil est, cur potius malæ, quàm bonæ frugis futuros arbitremur, præsertim cum æquitatis regula nos potius bene, quàm malè sperare iubeat. Et qui tam pauidus est, ut sinistrum euentum vereatur, is eleemosynam suam non vni applicet, sed ad foundationem contribuat, ex qua plures ali consueuerint, ut si vnus vel alter spem fallat, alius, vel alij spem egregie sustineant, quod semper contingit, vbi plures ex pecunia in commune collata educantur, ut paulò post fusius exponemus.

Sed sunt qui putent latius esse eleemosynas templis instaurandis ornandisq; tribuere. At isti non aduertunt, lumnum & præclarissimum templi ornamentum, esse sacerdotem pium & doctum, quod ornamentum per eleemosynam istam templis conciliat. Quid enim templum magis decorat, imaginesne aut statuz, aut sacræ vestes, an sacerdos doctrina & pietate conspicuus? Quæ lampas magis in templo lucet, quàm sacerdos, verè sacerdos? Quæ facta tecta, qui calices, quæ sedilia, qui annui prouentus cum hoc comparari possunt? Quos ergo amor templorum exornandorum, renouandorum, vel etiam locupletandorum tenet; ij tum maxime exornabunt, renouabunt & locupletabunt, templa, si iidem egregios sacerdotes submittant. Quæ enim diuitia magis ditant templa, quam sacerdos pius, prudens, humilis, pudicus & doctus? Verè Salomon; *Preiosus spiritus vir erudi-*
Idem

13 48.

Idem responsum sit ijs, qui arbitrantur satius esse eleemosynas Religiosorum domicilijs conferre, vt sustententur & decorentur: nam à proposito suo non aberrabit, licet his adolescentibus benignè faciat. Multi enim ex illis ad varios Religiosorum hominum Ordines transeunt, eosq; doctrina & vitæ probitate non parum ornant, & sustentant. cuius ope, nisi tua qui opem tulisti?

CAPVT TERTIVM.

Deo gratius & Reipublica utilius esse, siquid eleemosyna contribuat ad foundationem in communi pro multis, quàm si eleemosyna sine perpetuitate conferatur.

Beneficium quò diutius durat, & ad plures pertingit, sed grandius & fructuosius est. Ergo cum ea, quæ ad foundationem conferuntur, semper durent, nec ad vnum aut alterum duntaxat, sed ad plurimos utilitate sua redundant; nullum dubium relinquitur, quin eleemosyna ad foundationem collata, Deo sit gravior, propriæ salutis quætuosior, & Ecclesiæ utilior, quàm quæ huic aut illi egeno datur sine huiusmodi stabilitate: nam hæc abit & diffluit, si non citius, certè cum vita eius, qui beneficium accepit, nec ad posteros vel illius vel tuos manat.

At eleemosyna fundando seminario Studioforum iuuenum contributa, constanter permanet, etiam post funera, nec exhaustiri potest, sed inexhausta perseverat. Est enim instar ligni, quod plantatum est secus decursus aquarum, quod fructum semper suum dat in tempore, nec folium eius unquam defluit: Et postquam hic vel ille adolescens tua liberalitate adiutus est, vt & ad pietatem & ad doctrinam enitere-

psal. n.

eniteretur, alius succedit, qui tuo beneficio, recens recēti adhuc, & inconsumpto vititur, non secus ac is, qui iam statione decessit, studiorum cursu confecto. Itaque etiam, te non vivente, elemosyna tua vivit, fructumq; multiplicem adfert, tibi in fructum (si forte adhuc eo in statu versaris, in quo alieno subsidio ad beatitudinem egeas) vel certe posteris tuis. Et hoc est talenta sibi credita ad usuram dare, quod faciendum esse Dominus monuit, & non modo quinque talentis, sed & vno alia quinque *superlacrari*. Nec cogitandum est, eos tantum fructus ex fundatione redundantis participes fieri, qui grandem pecuniæ summam contribuunt, quia volunt & possunt: non autem illos, qui pro modulo suarum facultatum tantum, quantum possunt, largiuntur; nam ut omnes contributione sua fundationem constituunt & integrant: ita omnes emolumenta eius percipiunt. Et ut maior pecuniæ summa fructum partem ad eum deriuat, à quo profecta est: ita & minor tua partem tuam ad te transmittit: nec ulla pars tam minuta est, quæ non operetur fructum in vitam æternam mansurum. Quid, quod charitas piusq; affectus parvitatem doni insigni accessione augere potest. *Nonne vides*, inquit sanctus Gregorius Nyssenus, *pau-*
peris illius vidua quadrantem ditium munera superasse? illa
enim quidquid habebat exhausit, cum ex horum copys vix pusillam quiddam exciderit.

Nyss. orat.
1.

Tabernaculi olim iussu diuino confecti & fundati laudem fructumq; tulerunt non modo ij, qui aurum & argentum contulerunt, sed & ij qui pelles, pilosq; caprarum. non omnia possumus omnes; omnes tamen possumus aliqua. *Ne Moyses quidem id, quod impendit in tabernaculum*, inquit Gregorius Nyssenus, *ab uno tantum homine accepit, sed ab universo populo; alij enim aurum, argentum*
alij,

alij, ut magis minusve diuitijs affluerant, obtulerunt: pauperes vero vel pelles, vel etiam caprarum pilos, si quis gravior inopia premebatur. Da ergo & tu, quod habes neq; enim supra vires tuas quidquam abs te Deus requirit. Quod David ad Nabal: Quodcumq; inuenerit manus tua, da seruis tuis; hoc & quiuis a Deo tibi dici existimet, speratumq; fructum, cumquo continuum, securus expectet.

Cum Moyfes tabernaculum fœderis, cuius paulò antè meminimus construere vellet, hac oratione ad populum vsus est: *Separate apud vos primitias Domino, aurum & argentum & as, hyacinthum & purpuram.* Qua cohortatione tantum effecit, vt, quòd sacre litteræ testantur, *egressa omnis multitudo filiorum israel de conspectu Moyfi, obtulerit mente promptissima atq; deuota primitias Domino, ad faciendum opus tabernaculi testimonij.* Quidquid ad cultum & ad vestes sanctas necessarium erat, viri cum mulieribus prae-buerunt, armillas & indures, annulos & dextralia: omne vas aureum in donaria Domini separatum est. Nec spiritus sanctus hanc populi alacritatem semel notasse contentus fuit, eandem iterum iterumq; prædicat: *Omnes viri, inquit scriptura, & mulieres mente deuota obtulerunt donaria; ut fierent opera qua iusserat Dominus per manum Moyfi. Cum- Et filij israel voluntaria Domino dedicauerunt: imò, quotidie manebat populus vota offerebat: vnde artifices venire compulsi dixerunt Moyfi: Plus offert populus, quam necessarium est.* Si tanta alacritate populus, quisque pro sua copia, obtulit, & contulit, manera ad fabricandum tabernaculum diuino quidem cultui destinatum, sed tamen quandoque periturum & sulturum, mirum certè esset, si Christianus adeo Ecclesiæ & Reipublicæ Christianæ utilitatem in postremis duceret, vt ad tale tabernaculum, nempe ad perpetuum quoddam stabile, & constans pauperum ado-

lescentum, litterarum & pietatis studiorum, contubernium, nihil conferre dignaretur.

Dicat quis; Etiam pium, laudabile & salutare esse liberalem manum ad xenodochia, nosocomia, gerontotrophia, & alia id genus miserorum domicilia dotanda extendere; item ad virgines tenuis fortunæ in matrimonio, dote constituta, collocandas.

Respondeo, neminem pium esse, qui hæc & similia neget esse pia. Sed tamen ob fructum longè maximum doctrinæ & pietatis, qui ex hoc, de quo agimus, instituto manat cum ad ipsos iuvenes, tum per ipsos, tanquam per administratos, ad Christianam Rempublicam, vicissim faciendum est, maioris meriti & emolumenti, esse, hos iuvenes durabili aliqua & stabili stipe iuare, quàm alios, quod libenter fatebitur, quisquis ea accuratius perpenderit, quæ capite secundo disputata sunt.

Accedit, quod vetera instituta, cuiusmodi sunt xenodochia, iam ipsa verustate multos sibi patronos adscriperunt, quorum munificentia perstant: at noua, quales hoc, tenera adhuc, pupillorum instar, vel maximè benefactoribus egent, donec adolecant & inueterescant. Porro ex hoc ipso capite poterit quiuis colligere satius esse communitati seu seminario alicui perpetuos reditus assignare, quàm vni tantum, nam plures, qui redditibus illis fruentur, minus fallent spem, quàm quilibet sigillatim, licet sibi non interrupta serie succedant. Nam quilibet vnus est, ac proinde mutationi in deterius magis obnoxius, quàm plures.

CAPVT QVARTVM.

*Per eleemosynam ad fundationem pro egenis adolescentibus
collatam, satisfieri posse praecepto naturali & diuino,
de eleemosyna danda, itemque de satisfactio-
ne suscipienda.*

Sententia Domini est Matthæi 19. *Si vis ad vitam ingre-
di, serua mandata.* Inter hæc mandata suum locum te-
net quoq; præceptum dandæ eleemosynæ: Esse enim
eleemosyniam naturali & diuino præcepto imperatam
grauissimi Theologi sentiunt. Et ex his, sanctus Thomas
secunda secundæ, quæstione 32. articulo 5. Et ante scho-
larum Theologos sancti Patres, ex quorum numero satis erit
nominare sanctum Gregorium Nazianzenum, qui cum
in pulcherrima illa de amandis pauperibus oratione va-
rias causas adduxisset, quibus quis induci potest & debet
ad erogandam eleemosynam; adiungit tandem: *Nulla re
nos magis moueri debere, quam diuino mandato atq; exemplo.*
Quodnam porro hoc est mandatum? inquit sanctus Gregori-
us. *Ac videte, quæso, quam constans sit minimèq; fucatum. Ne-
q; enim hominibus spiritu sancto afflatis satis fuit, semel atque
iterum de pauperibus sermonem habuisse: nec quidam duntaxat
de his rebus verba fecerunt, reliqui minime, aut alij copiosius,
alij parcius, velut dere non ita magna, nec admodum necessaria;
per unum & amissum uniuersum, & sedulo quisq; vel primum,
vel in primis ad eam rem nos cohortantur, nunc admonentes,
nunc comminantes, nunc exprobrantes, nonnunquam etiam eos,
qui hanc vancitatem assequuntur, laudibus efferehentes, nimirum ut
assidua commotione nos ad huius præcepti expletionem in-
flamment.* Hæc ille.

Et quidem ad eleemosynam diuites obligari tunc,
cum egenus extrema necessitate laborat, extra contro-

uersiam est. Eosdem itidem obligari ad eleemosynam de superfluis erogandam, quando proximus non extrema, sed ea, quæ apud inopes ordinaria est, necessitate premitur, multi & magni nominis Theologi tradunt. Vt Sanctus Thomas, Caietanus & alij. Quod rectè colligunt ex illo Lucae 11. Vbi Christus reprehendens Phariseos, quod intus essent pleni rapina & iniquitate; subiungit: *Verum tamen quod superest*, hoc est, quod superfluum est vobis, & quo sine incommodo carere potestis, *dare, eleemosynam, & ecce omnia munda sunt vobis*. Idem rectè colligunt ex suprema illa sententia Matthæ: 25. *Esuriui enim & non dedistis mihi manducare, sitiui & non dedistis mihi potum*. Vbi Dominus non tantum de extremis pauperum ærumnis, sed & de ordinaria fame & siti loquitur. Et nominatim ob hanc beneficentiam in pauperes neglectam, mittet Dominus hædos, hoc est, impios ad gehennam.

Ex quo sequitur, subleuationem alienæ miseræ, etiam non extremæ, sub præceptum cadere: aliàs eius, omissio & neglectus non imputaretur hominibus ad peccatum, & ob hoc ad pœnam: cum peccatum non sit, nisi quod alicui præcepto aduersatur. Neque hic gradum figunt rerum diuinarum & Theologicarum consulti. Addunt enim, ex præcepto diuino teneri quemlibet etiam de sibi necessarijs ad suum statum tuendum, erogare eleemosynam, cum proximus graui necessitate vrgetur, hæc necessitas illa non sit extrema: Hac tamen lege, vt si minori suo commodo possit auertere proximi incommodum notabiliter graue, quod sæpius in vfu venire potest.

Cum ergo tanta sit eleemosynæ dandæ obligatio, meritò quiuis salutis suæ amans, eam in intima præcordia demittit, & vt ei satisfaciatur, sollicitè studet, & oblata occasione adimplendi hoc præceptum, vt hic certè offertur

fertur, eam præterire non sinit, vel saltem sinere non de-
 bet: *Primo*, quia nemo ab hoc præcepto excipitur, cui e-
 leemosynæ largiendæ facultas suppetit. *Secundo*, quia,
 quæ est humana natura imbecillitate, forte sapius iam a
 se hoc eleemosynæ præceptum per incuriam violatum
 est; compensa ergo iam quod neglexisti. *Tertio*, non
 frustra quis veniri debet, ne vel propter hoc solum præ-
 ceptum non inter oves à dextris Christi, sed inter hædos
 à sinistris statuatur, neque audiat stultissimam illam vo-
 cem; *Veni benedicti*; sed tremendam illam; *Ite maledicti*.
 Ut enim alia præcepta ad vitam æternam necessaria ob-
 serves, hoc verò transgrediaris, salutem nunquam con-
 sequeris, non enim dixit Salvator: Si vis ad vitam ingredi
 serva vnum, aut aliqua aut omnia, præter vnum, sed sim-
 pliciter omnia mandata? Et Apostoli oraculum est: *Qui-
 cusque totam legem servauerit, offendit autem in uno, factus est
 omnium reus.* Quod si quis dicat se implexisse hoc præce-
 ptum eleemosynæ: ei ob tantam gratiam iure optimo
 gratulamur, quod tanti præcepti non est factus prauari-
 cator. Addendam tamen, non satis esse implexisse, sed
 semper, quoad præcepti obligatio durat, debere impleri:
 durat autem hæc obligatio, quamdiu pauperum necessi-
 tates durant, (quando autem non durant?) & quamdiu
 tibi etiam facultas supposita, unde eleemosynas largiaris.
 Cum ergo eleemosynas disperdis, digito præcepto
 iubearis, cur iubenti non obtemperes? Et si obtemperas,
 cur ad Schismaticos inopes partem tuæ beneficentiæ non
 desines, tot commodis & utilitatibus huiusmodi caritatis
 tuæ propositis?

Deinde faciamus esse aliquem, qui non regatur
 præcepto eleemosynæ, vel qui proximi egestas non est
 extrema, vel qui alii egenis succurrunt, vel qui nihil

habet superfluum, quod misericordie alienae depellendae sup-
 peditet: attamen quod ultro & sine praecepto ex sola li-
 beralitate datur, id idem & Deo gratissimum, & cuius
 utilissimum est. *Primo*, quia nihilominus est actus mise-
 ricordiae. Actus enim virtutum non modo tunc exerce-
 ri potest cum praecipitur, sed & extra praecepti casum.
Secundo, si sponte tua sine obligatione praecepti miseri-
 cordiae, egenum adiuuas, virtuti misericordiae virtutem
 liberalitatis copulas, pulcherrimae pulcherrimam. Et
 1. Cor. 9. hoc proprie est, quod à Corinthiis requirebat Apostolus,
 ut non ex tristitia, aut ex necessitate egenorum inopiam sub-
 leuarent, sed sponte sua, nulla praecepti obligatione ad-
 acti: *Hilarem enim, inquit, dorem diligis Deus.* Ad
 1. Cor. 12. quam hilaritatem Spiritus Sanctus per Ecclesiasticum his
 verbis iam olim commonuerat: *In omni datione fac*
vultum tuum, & in exultatione sanctifica decimas tuas: cau-
 samq; addit, cur quis hilariter & liberaliter sua in paupe-
 res expendere debeat, quia Dominus retribuens est, & septi-
 es tantum reddet tibi. Pro caducis enim praemia reddet,
 tum propter ipsius operis praestantiam, tum propter pre-
 ces pauperum, quas hoc beneficio obligati pro salute tua
 ad Deum fundunt: Et hac ratione pauperum inopiam
 tua abundantia suppleas, & vicissim illorum abundantia
 tuae inopiae sit supplemenum, ut fiat aequalitas sicut scri-
 ptum est: *Qui multum non abundavit, & qui modicum, non*
minoraui.

CAPVT QVINTVM.

*Contribuciones & seminae studioforum adolescentum multum
 à legibus civilibus commendari.*

Constantinopoli olim multa erecta viscebantur domi-
 cilia pauperum & peregrinorum usibus destinata.
 Hinc Xenones seu Xenodochia pro peregrinis, Or-
 phano-

phanotrophia, pro pupillis alendis, Brephotrophia pro infantibus fortasse expositis, Gerontocomia pro senibus & decrepitis, Neotocomia, pro agris, Prochotrophia, pro mendicis; & id genus alia, quibus singulis sui praeerant economi; quos appellatione à loco petita appellabant xenodochos, orphanotrophos, prochotrophos, qualis fuit Xoticus ille, quem Iustinianus virum beatissimae memoriae nominat, eumque primum huiusmodi pietatis officium inquisisse scribit, Huiusmodi habitacula egenorum, liberalitate piorum fundata, tanti fecit Iustinianus Imperator, ut non modo ipse multa condiderit: quod ex libris Procopij de Iustiniani aedificijs liquet; sed condita, & fundata raro esse, quam ab alijs, partim plurimis novis privilegijs concessis, partim veteribus confirmatis exornavit. Quod si Iustinianus tanti haec instituta, earumque fundationes & donationes fecit, *hudd exinde*, ut ipse loquitur, *sustentatio vel educatio orphanis atq; egenis, & alijs Ecclesiasticis, ac prochotrophijs comparatur*: quanti fecisset domicilium constitutum & fundatum pro egenis Scholasticis (verè orphanis, quippe patrimonio & subsidio ad litterarum studia sectanda orbatis), quos sciret non ad alium finem educari, erudiri & informari, quam ut litteris & pietate, quantum satis est, excolti, Deo & sanctae Ecclesiae eius inseruirent, cum ex varijs Iustiniani Nouellis constet, quantum in id elaborarit, ut Ecclesijs & Ecclesiasticis functionibus digni & idonei ministri praeficerentur. Cum ergo totum hoc institutum, de quo agimus, hunc finem praecipue spectet satis apparet, etiam iudicio legum civilium, quam bene de Ecclesia mereantur illi, qui huiusmodi institutum munificentia sua adiuvant, & promouent: ut taceam sacros Canones, qui legata & donationes ad pias causas singulari favore prosequuntur,

Videl Orphanotrophos. L. omnia C. de Episc.

Nouell de Ecclesiast. Tit. Si fin. & de non alien. reb. Eccles.

quantur, ut liquet ex capite *Relatum*, extra de testibus, & ex communi iuriconsultorum sententia. Dicitur autem *pia causa* quidquid præcipue sit, Dei finisq; supernaturalis intuitu, ad gratiam vel gloriam coram Deo promerendam, vel in satisfactionem pro proprijs vel alienis peccatis. Cum ergo Seminaria ista pauperum adolescentum erigantur & condantur ad Catholicæ Religionis propagationem & conservationem, & ad omne pietatis genus ferendum & amplificandum; negari non potest; quin, qui vel testamento aliquid tali Seminario legat, vel extra testamentum donat, is leget aut donet ad piam causam, quæ donationes à sacris Canonibus singularibus privilegijs donatz sunt: quibus, breuitatis causa, hic plura dicere supersedeo.

CAPVT SEXTVM.

Eos qui ad has seminario aliquid contribuunt, rem Tridentino concilio consentaneam facere.

Concil. Trident. sess. 23. cap. 12.

SEd nescio, quibusnam Sacrorum Canonum scitis, Seminaria pauperum magis sint consentanea, quam Sacrosancti Concilij Tridentini decretis, quibus ut Seminaria pauperum erigantur, præcipitur. Et licet id tantum Episcopis, & Metropolitanis Concilium præciat, nemo tamen non videt, omnino ex mente Concilij fore, si alibi etiam, talia Seminaria ædificentur, & perpetuis prouentibus stabiliantur, cum eadem sit ratio alibi, quæ in templis Cathedralibus, Metropolitanis, & his maioribus, ut videlicet non desint idonei Ecclesiæ ministri, & ut ab ineunte ætate ad pietatem & religionem iuuenes informantur, & in Ecclesiasticis disciplinis instituantur. Et certe Seminaria ista à norma, quam concilium

Triden-

Tridentinum præscripsit, non discedit. Vult enim Concilium vt *pauperum filij potissimum eligantur*. Id hic fit, nemo enim admittitur nisi pauper. Vult Concilium, vt incolæ talis Seminarij *in classes diuidantur, iuxta eorum numerum, ætatem, ac in disciplina Ecclesiastica progressum*. Idem fit fietq; in his, quæ nos molimur, Seminarijs. Vult synodus, vt cum superioribus videbitur, *aliqui Ecclesiarum ministerio addicantur, alij in Collegio amplius erudiendi retineantur, alij in locum eductorum suffectis, ut hoc Collegium, Dei ministrorum perpetuum Seminarium sit*. Idem & hic factitatur. Licet enim alicubi, qui in his domicilijs degunt, ad sacros Ordines simpliciter non sint obligati, pleriq; tamen eosdem suscipere parati sunt, & reipsa, cum ætas & doctrina sinit, suscipiunt. Nam non multis annis sacerdotes & religiosi non pauci ex his Seminarijs prodierunt. Vult Concilium, vt isti *instituantur in Grammatica, cantu, computu Ecclesiastico, alijsq; bonarum artium disciplinis. Item in sacra scriptura, libris Ecclesiasticis, in ratione tradendi Sacramenta, maxime in ijs, quæ pertinent ad confessiones audiendas*. Omnia hæc in plerisq; huiusmodi Seminarijs, extra Academijs obseruantur. Nam præter humaniores litteras, Dialectica, Casus conscientiæ, & nonnunquam controuersiz cum hæreticis perpetuo & accuratè explicantur.

Vult Concilium Tridentinum, vt *singulis diebus Missa sacrificio intersint, & saltem singulis mensibus confiteantur peccata, & iuxta confessoris iudicium sumant corpus Domini nostri IESV Christi*. Omnia in his pauperum Seminarijs religiose custodiuntur.

Vult Concilium Tridentinum, *ut ipsi alumni sapienter uisitentur: ut discoli & incorrigibiles ac malorum morum seminatores acriter puniantur, ceteram, si opus fuerit, expellendo, &*

do. & omnia impedimenta sperati fructus auferendo. & diligenter curando, omnia illa, quaecumq; ad conseruandum, & augendū tam piam & sanctum institutum pertinere videbuntur. Hæc omnia in his Seminarijs, qua fieri potest vigilantia, præstantur.

Vult Concilium, *ut idonei Magistri his Seminarijs præficiantur*: speramus Seminarijs pauperum tam erectis, quàm erigendis, nunquam, diuina gratia, idoneos Magistros defuturos.

Vult Concilium, & seuerè præcipit, *ut reditus pro tali Seminario ex prouentibus Ecclesiasticis ab Episcopo aut Archiepiscopo colligantur.* Seminaria, quæ nos constituere cupimus, sola piorum liberalitate & misericordia nutrantur, quàm & implorant, & implorando merebuntur apud omnes illos, qui accuratius considerare uolent, quantas Seminaria hæc utilitates pariant, & quanto pere Spiritus Sanctus per Concilium Tridentinum, singulis Deum salutemq; suam amantibus, hæc pauperum iuuenum domicilia commendârit.


Dicat quis: Non omnes, qui in tale Seminarium recipiuntur, officium facere: apud multos oleum & operam & eleemosynam perdi. At cum suprâ ostendi, eleemosynam recto animo collatam, nunquam perdi, sed reponi in illis thesauris, quos *nec tinea nec erugo absumis, & quod fur non appropriat.* Deindè, quid mirum, si ex quinquaginta, sexaginta, aut septuaginta adolescentibus aliqui officium negligant? An non satis, si ex tanto numero triginta aut viginti optatum fructum ferant, Deoq; postea & Ecclesiæ fideliter interuiant: quod quiuis prudens prudenter sibi polliceri potest. Si qui *discoli sint & incorrigibiles*, tum utendum est remedio, quod Tridentinū Concilium præscripsit. Neminem ergo hæc cogitatio remo-

omni sententiæ per-
 sententur: *Beati misericordes,*
consequentur. Non in postremis *Matth. 5.*
misericordia, inquit sanctus Gre-
 gorius *beatus qui intelligit super egenum &*
propignus vir, qui misereatur & com-
modetur & commodat. Benedictio-
nis sanctus Gregorius Nazianzenus,
nigri simus, ne nox quidem misericor-
dias. Ne dixeris: Rediens redi & crastino die
et per propositum tuum & beneficentiam tuam
est beneficentia, quæ moram non patitur.

de constituendis, erigendis, & adiuuan-
 dijs seu domicilijs pauperum Scholasticorum;
 um, inquam, utpote, in quæ soli pauperes aggre-
 ssæ, & more itidem pauperum in victu & vestitu ha-
 ur atq; tractentur. Scimus in Academijs præcipuè
 anaria studiosorum esse; sed quæ etiam pateant ijs,
 quibus res non est angusta domi, & quorum quotidiana
 tractatio paulò melior est, quàm pro egenis. De huius-
 modi Seminarijs, quamvis piè & laudabiliter institutis,
 nobis non est sermo, sed de illis, quæ merè & verè pau-
 perum adolescentum receptacula sunt; qui fortis suæ
 memores, pauperum quoq; quotidiano victu &
 amictu contenti viuant, studioq; virtutis &
 eruditionis se totos impen-
 dant.

F I N I S.

3 1 2 1 2



WIDENER LIBRARY



HX UABH T